

UDA KANPAINA 2021 KIROLAK

KIROL BEGIRALEAK ALDI-BATERAKO KONTRATATZEKO OINARRI ARAUTZAILEAK

1- DEIALDIAREN XEDEA:

Oinarri hauen xedea da kirol begiraleen aldi baterako kontratazio laboralak arautzea, Oñatiko Udalak antolatu duen “ Uda Kanpaina 2021” deialdia dela-eta. Horrela bada, Udalak ondoren azaltzen diren kirol zerbitzuetan lana egiteko kontratazioak egitea aurreikusten du (izen-emate kopuruagatik baldintzatuta):

1.a. Kirol zerbitzu orokorrak: mini-tenisa, tenisa, squash, badminton, eskupilota, erraketa kirolak, paleta, jolasak, kirolanitz eta mendiko bizikleta (MBT).

1.b. Kirol zerbitzu espezifikoak: eskalada indoor eta patinaia

Lankontratuaren iraupena ekainaren 28tik uztailaren 23ra bitartean izango da; eta, lanaldia, Udalak ezartzen duen zerbitzuaren beharren arabera.

Kontratuak egiterakoan interesatuen jardun-denbora aintzat hartuko da. Horrela bada, horren gaineko xehetasunak izen-emate orrian zehaztu beharko dira.

Halaber, hautatuak diren lagunak ekainaren 16an (17:30-19:00) zerbitzuaren antolaketarako eta uztailaren 23an-zerbitzuaren ebaluazioa (12:30-14:00) egiteko, Zubikoa Kiroldegian burutuko diren saioetara bertaratzea ezinbestekoa izango da. Bestalde, eta zerbitzuen garapen egoki baterako Oñatiko Udalak horrela erabakiko balu, zerbitzuak antolatzeko saio gehiago egingo dira. Saio horiek Uda Kanpainarekin hasi aurretik burutuko dira Udala kirol zerbitzuak zehaztuko dituen egun eta orduetan.

Ondoren zehazten diren kirolean arituko diren begiraleek, formakuntza saioa egingo dute Uda Kanpainari hasiera eman aurretik:

- .- Tenis
- .- Mini-tenis
- .- Patinaia
- .- Eskalada
- .- Mountain bike-(MBT)
- .- Baso Eskola

Formakuntza saioen iraupena 3-6 ordu bitarteko izango da kirol bakoitzeko, eta ekainaren 21etik 25era bitartean egingo dira, aurrerago zehaztuko diren egun eta orduetan. Saio horietan partehartzea derrigorrezkoa da.

Erreserbako zerrenda baten parte izatera pasako dira kontratatu behar direnak baino lagun gehiago badira. Kontratazioak egiterakoan, uko edo baja egoera baten aurrean erabiliko da zerrenda hori.

Deialdia hutsik geratuko da, baldintzak betetzen dituen hautagai egokirik aurkezten ez den kasuetan, edota taldea osatzeko nahikoa izen-emate izaten ez den kasuetan.

2/2015 Legegintzako Errege Dekretua, urriaren 23koa, Langileen Estatutuaren Legearen testu bategina onartzen duenaren 49.1. d) xedapenari jarraiki, langileak lan kontratua sinatutakoan gero uko egiten badu, 15 egun naturaletako aurrerapenarekin jakinarazi beharko dio udalari.

Oñatiko Udalak ukoak penalizatu ahalko ditu hurrengo urteetako begiraleen hautaketa prozesuetako puntuazioetan; penalizazio hau 5 puntu artekoa izan ahalko da.

2-PROZESUAN PARTE HARTZEKO BALDINTZAK:

Onartua izateko eta, hautaketa prozesuan parte hartu ahal izateko ondorengo baldintzak bete beharko dira:

“Kirol zerbitzu orokorretarako”:

1-Lan-kontratua egiterako egunean 16 urte beteta izatea.

2-Derrigorrezko Bigarren Hezkuntza eta ondoren azaltzen diren ikasketen titulazioaren jabe izatea, edota ikasketa horiek egiten egotea.

- IVEF / INEF
- Irakasle ikasketan gradua (hezkuntza fisikoko espezialitatea)
- TAFYD (Gorputz eta kirol ekintzak sustatzea)
- Kirol begiralea (Kirolaren Euskal Eskola eta federazioetako tituloak, eskainiko diren zerbitzuetan, edo baliokidea)

3- Euskarako B2 mailaren edo horren pareko euskara maila izatea.

4-Funtzioak behar bezala betetzea eragotz dezakeen gaixotasunik nahiz muga fisikorik ez izatea

5-Inolako administrazio publikoaren edo autonomia erkidegoetako konstituzio nahiz estatutu organoen zerbitzutik diziplina-espeditente bidez baztertu gabea izatea eta funtzio publikoak betetzeko ezgaituta ez egotea.

6- Haurtzaroa eta adoleszentiaren babes sistema aldatzen duen uztailaren 28ko 26/2015 Legeko 8.artikuluaren arabera, sexu delitugileen Erregistro Zentraleko agiri negatiboa izatea. (Gehienez ere 3 hilabetetako aurretiaz emandakoak onartuko dira)

7-. Kontratazio hau beste lan kontratu edo funtzionario izendapen batekin ez da bateragarria izango, kirol begirale lanpostua betetzeko ezarritako lanaldi partzialetik haratago talka egiten duenean.

“Kirol zerbitzu espezifikozako”:

1-Lan-kontratua egiterako egunean 16 urte beteta izatea.

2- Derrigorrezko Bigarren Hezkuntza, edo baliokidearen jabe izatea.

3- Eskalada indoor eta patinaia kirol begirale lanetan esperientzia izatea edo/eta formakuntza espezifikoa jaso izana.

4- Euskarako B2 mailaren edo horren pareko euskara maila izatea.

5.- Funtzioak behar bezala betetzea eragotz dezakeen gaixotasunik nahiz muga fisikorik ez izatea.

6.-Inolako administrazio publikoaren edo autonomia erkidegoetako konstituzio nahiz estatutu organoen zerbitzutik diziplina-espeditente bidez baztertu gabea izatea eta funtzio publikoak betetzeko ezgaituta ez egotea.

7- Haurtzaroa eta adoleszentiaren babes sistema aldatzen duen uztailaren 28ko 26/2015 Legeko 8.artikuluaren arabera, sexu delitugileen Erregistro Zentraleko agiri negatiboa izatea. (Gehienez

ere 3 hilabetetako aurretiaz emandakoak onartuko dira)

8.- Kontratazio hau beste lan kontratu edo funtzionario izendapen batekin ez da bateragarria izango, kirol begirale lanpostua betetzeko ezarritako lanaldi partzialetik haratago talka egiten duenean.

3-ESKABIDEAK AURKEZTEA:

Epea: maiatzaren 22ik ekainaren 1 arte (barne).

Lekua: Oñatiko Udaleko HERRITARREN ARRETARAKO ZERBITZUAN presentzialki zein erregistro elektronikoz bidez.

Ordutegia: 07:30-15:30

Era berean, urriaren 1eko 39/2015 Legeak, Herri Administrazio Guztien Zuzenbide Arauen eta Administrazio Jardunbidearenak, 16.4 artikuluan izendatzen dituen bideetatik ere aurkez daitezke eskaerak. Oñatiko Alkate jaunari zuzenduko zaizkio, eta instantziak aurkezteko epearen barruan dagokion funtzionarioak emandako data eta zigilua eduki beharko dute. Antzeman litezkeen okerrak edozein unetan zuzendu ahal izango dira ofizioz edo interesatuak hala eskatuta.

Oharrak:

- Eskatzaileek eskaera orria beteta eta sinatutakoarekin batera **FORMAKUNTZAREN TITULAZIOAK ETA ZIURTAGIRIAK, ETA EGINDAKO LANEN MEREZIMENDU ETA TITULAZIO GUZTIAK AURKEZTU BEHAR DITU**. Aurkezten ez diren titulazio, ziurtagiri edota merezimenduak ez dira kontuan hartuko.
- **Formakuntza eta lanen merezimenduak puntuagarriak izateko, aurkezten diren ziurtagiriak, egindako formakuntza edo/eta lan guztien xehetasunak jaso behar dituzte**, alegia: formakuntza edo/eta lanen deskribapen zehatza, entitatea, data, eta ordu kopuru zehatza. Halaber, ziurtagiriak entitatearen zuzendaritzak (edo ordezkaria) eginak izan behar dute. **DATU HORIEK GUZTIAK, GUTXIENEZ, EGIAZTATZEN EZ BADIRA ZIURTAGIRIAK EZ DIRA AINTZAT HARTUKO ETA EZ DIRA PUNTUAGARRIAK IZANGO.**

4- AURKEZTU BEHARREKO DOKUMENTAZIOA:

-Eskaera orria beteta

(www.oñati.eus web gunean zein Oñatiko Udaleko erregistroan eskuragarri egongo da).

-NAN-aren fotokopia.

-Eskatzen den ikasketen tituluaren fotokopia.

- Euskara mailaren agiria edo hizkuntza-tituluak eta ziurtagiriak egiaztatzen salbuesita dauden ziurtagiria. (47/2012 DEKRETUA, apirilaren 3koa, euskaraz egindako ikasketa ofizialak aintzat hartzeko eta euskara-maila hizkuntza-tituluen eta ziurtagirien bidez egiaztatzen salbuesteko dena).

-Eskaeran aipatutako merezimenduak egiaztatzen dituzten agirien fotokopiak.

-Hurtzaroa eta adoleszentiaren babes sistema aldatzen duen uztailaren 28ko 26/2015 Legeko 8.artikuluaren arabera sexu delitugileen Erregistro Zentraleko agiri negatiboa (Bilboko Elcano kalea 9,7 kokatzen den Lurraldeko Gerentzian ateratzen da).

OHARRA: Hurtzaroa eta adoleszentiaren babes sistema aldatzen duen uztailaren 28ko 26/2015 Legeko 8.artikuluaren arabera sexu delitugileen Erregistro Zentraleko agiri negatiboa, beranduen, ekainaren 15erako aurkeztu beharko da. Data hori kontuan izanda gehienez ere 3 hilabetetako aurretiaz emandako agiriak onartuko dira. Agiri hau Bilboko Elcano kalea 9,7 kokatzen den

Lurraldeko Gerentzian ateratzen da.

5-BALIOESPEN BATZORDEA:

Epaimahai kalifikatzailea Oñatiko udaleko 3 kidez osatua egongo da :

- Epaimahaiburua: Oskar Carrascal Gonzalez, Zubikoa kiroldegiko zuzendaria
- Bokala: Xabier Zabaleta Etxabe, Euskara Teknikaria
- Epaimahaiko idazkaria: Beatriz Etxebarria Osoro GGBBko administraria

Aholkularia: Rosa Lasagabaster Armendariz, Udal kirol teknikaria

6. LEHIAKETA FASEA:

Ondorengo irizpideei ezartzen zaizkien puntuazioen arabera, hautagai bakoitzeko puntuazioa aterako da eta horren arabera lortuko da kontratazioa egiteko erabiliko den hurrenkera.

Puntuagarri den guztia egiaztatu beharko da puntuatua izan dadin.

“Kirol zerbitzu orokorretarako”:

* Ikasketa amaitutak:

- IVEF / INEF: 6 puntu
- Irakase ikasketan gradua (hezkuntza fisikoko espezialitatea): 4 puntu
- TAFYD (Gorputz eta kirol ekintzak sustatzea): 2,5 puntu
- Kirol begiralea (Federazioetako / Kirolaren Euskal Eskolaren tituloak eskainiko diren kirolean): 1,5 puntu.
- Kirol begiralea (Federazioetako / Kirolaren Euskal Eskolaren tituloak eskainiko ez diren kirolean): 1 puntu
- Sorospidetza: 0,75 puntu.

Ikasketak amaituta izan ezean, gainditutako ikasturte bakoitzari bere balio proportzionala emango zaio.

* Prestakuntza-ikastaroak:

- Ekintza fisiko eta kirolarekin lotutako ikastaroak: 0,01 puntu orduko, gehienez 3 puntu.

* Euskara maila:

- C1/HE3 edo euskara mailaren baliokidea: 1 puntu
- C2/HE4 edo euskara mailaren baliokidea: 2 puntu

* Lan-esperientzia:

- Uda Kanpainan eskainitako kirol zerbitzuekin bat ez datozen Kirol eskoletan esperientzia izatea: 0,002 puntu/orduko. Gehienez 8 puntu
- Uda Kanpainan eskainitako kirol zerbitzuekin bat datozen Kirol eskoletan esperientzia izatea: 0,005 puntu/orduko. Gehienez 10 puntu
- Ezaugarri honetako kirol kanpainetan begirale esperientzia izatea: orduko 0,015 puntu/orduko. Gehienez 15 puntu.
- Eskola Kirola programetan begirale esperientzia izatea: orduko, 0,010 puntu/orduko. Gehienez 15 puntu.
- Hezkuntza fisikoko irakasle esperientzia izatea: hilabete bakoitzeko 0,25 puntu. Gehienez 15

puntu.

- Mendiko bizikleta ekintzan kirol begirale lanetan esperientzia: 0,020 puntu / orduko, gehienez 22 puntu izan arte.

* **Oñatin erroldatua izatea:** 3 puntu. Udalak berak egiaztatuko du baldintza hori, erroldaren bitartez.

“Kirol zerbitzu espezifikozkoentzako”:

* **Ikasketa amaituta:**

Eskalada eta patinaia

- IVEF / INEF: 5 puntu
- Irakasle ikasketan gradua (hezkuntza fisikoko espezialitatea): 3,5 puntu
- TAFYD (Gorputz eta kirol ekintzak sustatzea) / Talde gidaritza natur ingurunean: 3 puntu
- Kirol begiralea (federazioetako / Kirolaren Euskal Eskolaren tituloak eskainiko diren kirolean): 7 puntu
- Kirol begiralea (Federazioetako / Kirolaren Euskal Eskolaren tituloak eskainiko ez diren kirolean): 2 puntu
- Sorospidetza: 0,75 puntu

Ikasketak amaituta izan ezean, gainditutako ikasturte bakoitzari bere balio proportzionala emango zaio.

* **Prestakuntza-ikastaroak:**

- Ekintza fisiko eta kirolarekin lotutako ikastaroak: 0,01 puntu orduko, gehienez 3 puntu.

* **Euskara maila:**

- C1/HE3 edo euskara mailaren baliokidea: 1 puntu

- C2/HE4 edo euskara mailaren baliokidea: 2 puntu

* **Lan-esperientzia:**

Eskalada eta patinaia

Eskalada zerbitzuan begirale lanetan esperientzia, edota formakuntza espezifikoa izatea derrigorrezkoa da. Patinajea zerbitzuaren kasuan ezinbestekoa da patin-jardueran maila ona izatea, eta esperientzia izatea jarduera honen ikas-irakas prozesuetan. Ikasketetako praktikaldiak puntuatuko dira baita ere.

- Eskaladan edo/eta patinaian kirol begirale lanetan esperientzia: 0,10 puntu / orduko, gehienez 25 puntu izan arte.

- Eskola Kirola programetan kirol begirale lanetan esperientzia: 0,010 puntu / orduko, gehienez 15 puntu izan arte.

- Kirol eskoletan begirale lanetan esperientzia: 0,015 puntu / orduko, gehienez 8 puntu

- Hezkuntza fisikoko irakasle lanetan esperientzia: 0,25 puntu / hilabeteko, gehienez 15 puntu izan arte.

Oharra: Udalak eskalada eta patinaje zerbitzuen izengaien ezagutza maila egiaztatu ahal izango du. Gutxienezko maila egiaztatu ezean onartuen zerrendatik kanpo geldituko dira.

* Oñatin erroldatua izatea: 3 puntu. Udalak berak egiaztatuko du baldintza hori, erroldaren bitartez.

7-IZANGAIEN ZERRENDA.

Izangai bakoitzaren azken kalifikazioa lehiaketa-fasean lortutako emaitzen batura izango da.

Berdinketa izanez gero, sexu bakoitzaren errepresentazioa ehuneko hogeita hamarrekoa gutxienez bermatzea aldera, ratio horretara iritsi artean, neska-mutil berdinketa emanez gero, presentzia gutxiena duen sexuko hautagaiak lehentasuna izango du. Behin irizpide hori aplikatu eta gero berdinketak jarraitzen badu, ordena ezartzeko honako irizpide hauek hartuko dira kontuan, hurrenez hurren:

- 1.- Oñatiarra izatea.
- 2.- Lan-esperientzia egiaztatua.
- 3.- Titulazio akademikoan lortutako puntuaketa altuena.
- 4.- C2 / 4 HE Euskara maila izatea.

Hautaketa bukatu ondoren, Balioespen batzordeak lortutako puntuazioaren arabeko zerrenda argitaratuko du Oñatiko Udaleko iragarki taulan eta web orrian. Era berean, onarpen-proposamena egingo dio eskudun organoari.

8.- LAN-ORDUEN BANAKETARAKO IRIZPIDEAK

Udalak, Uda Kanpaina 2021ko zerbitzua emateko beharrezkoak dituen monitore kopurua kontratatuko du onartutako izangaien artean. Kontratatuko diren monitore kopurua ezin da alde zehatzetik zehaztu, Uda Kanpaina zehar aurrera egingo duten zerbitzuetako taldeak osatu arte. Behin ekintzetan izen- ematea egin duela Udalak, eta zerbitzuetako taldeak behin-behinekoz osatuta daudela, ikusiko da kontratatzeko kirol begirale kopurua zein den.

Hautaketa bukatu ondoren, balioesten batzordeak hautagaiek lortutako puntuazioaren arabera eta hala badagokio, berdinketa hausteko ezarritako irizpideen arabeko zerrenda argitaratuko du Oñatiko Udaleko iragarki taulan eta web orrian. Era berean, onarpen-proposamena egingo dio eskudun organoari.

Kontratatuko diren monitoreen artean lan-orduen banaketa egiteko honako irizpideak jarraituko dira:

- Monitore bakoitzak, txanda bakoitzean, gutxienez, 2 lan-ordu jarraian beteko ditu.
- Lan-orduak, kontratatuko diren monitoreen artean modu orekatu batean banatuko dira, monitore guztiak ordu kopuru berdintsua egitea helburua delarik.
- Lan-orduen banaketan monitoreren bati lan-ordu gehiago egokitu behar bazaizkio, puntuazioaren arabera erabakiko da.
- Zerbitzuan egon daitezkeen bajak betetzeko, Udalak, lan-ordu eta zerbitzuen antolaketa alda dezake. Bestalde, egoera berezi bat tarteko, eta larrialdi baten aurrean lanpostua betetzeko beharra balego, zerrenda orokorra eta espezifikotako izangaien artean aukeratuko dira begiraleak hurrenkeraren arabera, beti ere begiraleen formakuntza eta lan-esperientzia aintzat hartuta.